

山西通志卷第一百八十一

山西巡撫都察院右副都御史臣覺羅石麟奉

旨修輯

遺事二

上古共工氏太昊末諸侯是曰康回髦身朱髮任智自神俶亂天常保據冀方自謂水德爰爲水紀官師制度皆以水名憑怒觸不周山地維絕天柱折壅防百川墮高堙卑於是左概介邱右轡終隆振滔洪水以薄空桑空桑在莘陝都故决水灌之賢興有無其取之也水處十七而陸處十三立兵仗鎧戟寇虐諸侯女媧氏戮之共工氏以亡凡四十有五載

夏有窮氏曰夷羿窮國之侯左臂修而善射五歲得法於山

山西通志

卷一百八十一 遺事

一

中傳楚狐父之道嘗從吳賀北遊見雀焉賀命射其左目羿中厥右耻之繇是每發妙中高出天下迨事夏王王命射於方豕之皮征南之的曰中之賞萬金不中則削十邑羿援矢而色蕩再發不中傅彌仁告王曰若羿者口懼之爲災而萬金爲之患也太康失馭畋於洛表十旬弗返羿兵於河以拒之遂專制河北迨仲康後逐相自立因夏民代夏政自鉏遷于窮石號有窮氏恃其善射不修民事棄其賢臣武羅伯因等而用寒浞內媚外施賂而虞羿於田將歸自田家衆殺而烹之其子死於窮門羿篡夏凡八年寒浞猗姓寒君伯明氏之讒子弟也后寒惡之棄諸窮羿信而使之以爲國相及羿逐后相自立康娛逸遊浞殺而代之襲羿之號因其室生澆及豷恃其詐僞而不德於民

使澆用師滅斟灌斟鄩氏處澆於過處豷於戈遂滅夏后相焉四十有三年爲伯靡所殺澆恃多力盪舟走陸從欲不義少康滅之季杼復誘豷殺之寒浞遂滅

竹書紀年帝相二十七年澆伐斟鄩大戰於濰覆其舟滅之

楚辭天問覆舟斟鄩何道取之註滅斟鄩氏奄若覆舟

淮南子證言訓羿死於桃楸註楸大杖以桃木爲之以擊殺羿自是以來鬼畏桃也

說山訓羿死桃部不給射註桃部地名

周成王封弟叔虞於唐唐在河汾之東曰唐叔虞唐叔子燮徙居晉水稱晉侯晉侯孫成侯徙都曲沃成侯傳五世爲穆侯徙都絳穆侯孫昭侯元年封弟成師於曲沃昭後凡五傳爲晉侯緡緡二十八年成師孫稱伐晉滅之周釐王

山西通志 卷一百八十一 遺事

二

命爲晉君更號曰晉武公始都晉國子獻公八年城聚都之命曰絳始都絳七傳至景公十五年遷新田景公後九世爲幽公幽公之時獨有絳曲沃餘胥入三晉至幽公會孫靜公俱酒二年魏文侯韓哀侯趙敬侯三分其地靜公遷爲家人居端氏

趙氏之先與秦共祖至蜚廉子季勝生孟增是爲宅臯狼臯狼孫造父御穆王有功賜以趙城由此爲趙氏造父以下六世至奄父生叔帶去周如晉事晉文侯始居晉國五世而生趙夙晉獻公十六年滅耿霍魏賜夙耿夙生共孟共孟子趙衰事文公爲原大夫居原歷盾朔武景叔四世生鞅是爲簡子晉頃公十二年及祁氏羊舌氏邑爲十縣各令其族爲之大夫鞅卒次子無恤立是爲襄子襄子元

年平代地封鞅長子伯魯子周爲代成君四年與知伯韓魏盡分范中行地復與韓魏滅知伯分其地於是趙北有代南并知氏疆於韓魏襄子卒代成君子浣立是爲獻侯治中牟始列爲諸侯襄子弟桓子逐獻侯自立於代一年卒國人復迎立獻侯三傳至敬侯始都邯鄲敬侯九年與韓魏共分晉地歷成侯昭侯至武靈王攘地北至燕代西至雲中九原二十七年立子何爲王是爲惠文王自稱主父惠文王二年主父出代西遇樓煩王於西河而致其兵封長子章爲代安陽君四年李兌平章之亂又二傳至幽繆王降秦

魏之先畢公高之後畢萬事晉獻公獻公滅魏封之從其國名爲魏氏萬子武子事文公襲魏氏之後列爲大夫治

山西通志

卷一百八十一

遺事

三

於魏子悼子徙治霍生魏絳晉悼公十一年絳徙安邑絳後五世爲魏桓子與韓趙共滅知伯分其地桓子之孫曰文侯都文侯二十一年列爲諸侯子武侯擊十一年與韓趙三分晉子惠王鞅三十一年徙治大梁歷襄哀昭安釐景湣假六世滅於秦

韓之先與周同姓其後裔事晉封於韓原曰韓武子武子後三世有韓獻子厥從封姓韓氏子宣子徙居州晉頃公十二年與趙魏共分祁氏羊舌氏十縣宣子子貞子徙居平陽至孫康子與趙魏共敗知伯分其地地益大於諸侯康子孫景侯六年與趙魏胥爲諸侯歷三世爲哀侯哀侯元年與趙魏分晉國二年徙都鄭傳懿昭宣惠襄釐桓惠暨王安七世安虜於秦

日知錄晉之滅狄其用兵有次第宣公十五年滅潞氏十六年滅甲氏及留吁成公十一年伐廡咎如而上黨爲晉有矣昭公元年敗無終及羣狄于大鹵而太原爲晉有矣然後出師以臨山東昭公十二年滅肥二十二年滅鼓于是太行以南之地謂之南陽太行以東之地謂之東陽水經注引馬季長曰晉地自朝歌以北至中山爲東陽自朝歌以南至軹爲南陽而晉境東接于齊蓋先後之勤且八十年而鮮虞猶不服焉至魏文侯始克中山平狄之難如此

聶政齊人韓嚴遂與韓傀隙求人可以報傀者至齊聞政勇敢遂陰交於政以意告之政曰有老母在政身未敢以許人也及母死旣葬除服遂獨行仗劍至韓韓適有東孟之會韓王及相皆在焉持兵戟而衛侍者甚多聶政直入

山西通志

卷一百八十一 遺事

四

階刺傀韓傀走而抱烈侯聶政刺之兼中烈侯左右大亂聶政大呼所擊殺者數十人因自皮面抉眼屠腸遂以死韓取聶政屍暴于市縣購之千金久之莫知誰政姊嫫聞之曰吾弟至賢不可愛妾之軀滅吾弟之名乃之韓視之抱屍而哭之曰此吾弟軹深井里聶政也亦自殺於屍下斐豹晉隸也著于丹書欒氏之亂有臣曰督戎國人懼之豹謂宣子曰苟焚丹書我殺督戎宣子喜乃出豹使擊戎殺之

漢趙歇趙後也秦二世二年端月張耳陳餘立歇爲趙王三年項羽入關立諸侯乃分趙立耳爲常山王而徙趙王歇王代漢之元年田榮遣兵從餘襲常山王耳耳敗走歸漢餘收趙地迎趙王於代復爲趙王趙王德餘立以爲代王

餘爲趙王弱國初定留傅趙王而使夏說以相國守代漢
二年漢遣張耳韓信進擊趙代擒夏說闕與擊破趙并陘
斬陳餘泚水上追殺趙王歇

魏豹故魏諸公子也其兄魏咎魏人周市立爲魏王章邯
擊臨濟咎自殺豹亡走歸楚項羽立豹爲魏王羽封諸侯
欲自有梁地徙豹於河東都平陽爲西魏王漢王還定三
秦渡臨晉豹以國屬焉遂從擊楚于彭城漢王敗還至滎
陽豹請視親病至國則絕河津畔漢漢王使酈生往說豹
豹不聽漢王使韓信擊豹遂虜之傳豹詣滎陽以其地爲
河東太原上黨郡漢王令豹守滎陽楚圍之急周苛遂殺
豹

韓王信故韓孽孫也高祖定三秦已復畧定韓地高祖乃

山西通志

卷一百八十一 遺事

五

立信爲韓王命與周苛等守滎陽楚拔之遂降乘間復歸
楚滅後以太原爲韓國徙信備邊都晉陽信請徙馬邑從
之匈奴大入圍馬邑信數使人求和解高祖疑有二心賜
書讓之信懼誅因降北奴匈奴與共攻太原高祖自往擊破
其軍於銅鞮信亡入北後爲將軍柴武斬於參合

後漢盧芳字君期安定三水人居左谷中王莽時詐自稱武
帝曾孫後與天水屬國羌胡起兵更始徵爲騎都尉使鎮
撫安定以西更始敗天水豪傑共計議立芳爲上將軍西
平王塞北使句林王將數千騎迎芳芳與兄禽弟程俱入
北遂立芳爲主以程爲中郎將還入安定初五原人李興
隨昱朔方人田颯代郡人石鮪閔堪各起兵自稱將軍建
武四年無樓且渠王入五原塞與李興等和親告興欲令

芳還漢地五年李興閔堪引兵迎芳與俱入塞都九原縣掠有五原朔方雲中定襄鴈門五郡並置守令侵苦北邊六年芳將軍賈覽將騎擊殺代郡太守劉興芳後以事誅其五原太守李興兄弟而其朔方太守田颯雲中太守橋扈恐懼舉郡降光武令領職如故後大司馬吳漢驃騎大將軍杜茂數擊芳並不克十二年芳與賈覽共攻雲中久不下其將隨昱留守九原欲脅芳降芳知羽翼外附心膂內離遂棄輜重與十餘騎亡入塞北其衆盡歸隨昱昱乃隨使者程恂詣闕拜昱爲五原太守封鐫胡侯昱弟憲武進侯十六年芳復入居高柳與閔堪兄林使使請降乃立芳爲代王堪爲代相林爲代太傅賜繒二萬疋因使和集塞北芳上疏謝詔芳朝明年正月其冬芳南及昌平有詔

止令更朝明歲芳自道還憂恐乃復與閔堪林相攻連月塞北遣數百騎迎芳及妻子出塞後十餘年卒

袁紹字本初汝南汝陽人司徒湯孫何進謀誅宦官轉紹司隸校尉董卓至奔冀州初平二年以渤海太守起兵討卓領冀州牧興平二年六月破斬黑山賊于毒遂循山北行進擊諸賊皆斬之以長子譚爲青州刺史中子熙爲幽州刺史外甥高幹爲并州刺史建安元年使將作大匠孔融持節拜紹大將軍錫弓矢節鉞虎賁百人兼督青冀幽并四州建安五年伐曹操敗於官渡七年卒

晉杜預春秋後序晉太康中汲縣人發其界內舊冢得古書皆簡編科斗文字記晉國起自殤叔次文侯昭侯以至曲沃莊伯莊伯之十一年十一月魯隱公之元年正月也皆

用夏時建寅之月爲歲首編年 鶴林玉露傳據晉史經
則周曆

代公猗盧鮮卑部力微子力微卒猗盧與二兄分部居定襄盛樂城北徙雲中晉惠帝在鄴劉淵據離石猗盧統衆破淵於河西上黨後并州刺史劉琨爲白部所困猗盧使弟子鬱律赴之大破白部大單于封代公猗盧以去國遠求句注陘北地琨徙馬邑陰館樓煩繁峙崞五縣民于陘南以其地畀之及琨拒劉粲猗盧復以衆來斬其大將五人伏尸數百里琨欲乘勢進兵猗盧不聽引還後復兩與琨約赴平陽共討劉聰卒不果行愍帝時進封代王置官屬食代常山二郡尋召長子六修於南部六修不至怒討之失利歿鬱律雄武有威略代立聞愍帝平陽問顧謂其

山西通志

卷一百八十一 遺事

七

下曰天殆資我乎已而元帝遣韓暢加爵服拒不受後爲猗龜婦所殺賀偃猗逸中子猗母以立築城東木根山徙居之旣卒紇那代領其衆石虎以五千騎來禦於句注陘北不利遷太寧時鬱律長子槐翳居賀蘭部紇那遣使求之不應怒召宇文部并力擊之敗績後二年出居宇文部其下因推槐翳爲長五年衆復貳求紇那奉之槐翳出居鄴久之石虎以五千騎納槐翳於大寧紇那復出未踰年槐翳病將歿謂其下曰必迎什翼犍什翼犍鬱律次子其弟也時年十九歲有異相旣立稱建國元年復徙雲中盛樂城置百官分掌衆職設壇講武代益盛後苻堅以二十萬衆來逼屢戰不勝乃避陰山之北堅退始還越十有一日卒什翼犍子卽後魏道武也

張平代郡人初仕石虎爲部將冉閔敗平帥所部稱藩於燕旣而結援於秦授大將軍冀州牧平旣跨有新興雁門西河等諸郡衆十餘萬拜置征鎮自號并州刺史寇掠秦境秦王苻堅遣車騎大將軍晉公柳率兵禦之柳敗績堅自將兵討之前鋒鄧羌分據汾上獲其養子蚝平衆大潰懼而請降堅赦之仍署右將軍先是晉遣參軍桓宣就平節度加四品將軍卽其所部扞禦北方而平竟沒於秦

十六國春秋載祖逖遣參軍殷乂詣平按祖逖張平世代相隔當有舛譌

北魏爾朱榮字天保北秀容人新興之子也潔白美容貌幼而神機明決及長好射獵每設圍誓衆便爲軍陣之法號令嚴肅衆莫敢犯襲爵除直寢游擊將軍正光中散畜牧招合義勇以討賊功進封博陵郡公榮嘗率衆攻拔肆州

山西通志

卷一百八十一 遺事

八

署其從叔羽生爲刺史執刺史尉慶賓還秀容自是兵威漸盛葛榮吞杜洛周榮虜其西逸乃遣兵固守滏口以防之北捍馬邑東塞井陘尋屬武泰之變抗表求以徐紇鄭儼之徒付之司敗更召宗親推其明德靈太后以李神軌爲大都督將於太行杜防榮發晉陽遂次河內四月莊帝自高潞渡至榮軍卽位詔以榮爲使持節都督中外諸軍事大將軍開府尚書令領軍將軍領左右太原王渡河惑武衛將軍費穆言遂有河陰之役時朝士百餘人後至唱云能爲禪文者出當原其命隴西李神儁頓邱李諧太原溫子昇並當世詞人皆在圍中俯伏不應有御史趙元則者出作之榮遂鑄金爲已像數四不成幽州人劉靈助善卜占亦言天時人事未可榮精神恍惚不自支持至四更

乃迎莊帝奉駕向洛陽宮女立爲后榮意甚悅五月還晉陽乃令元天穆向京樹置腹心在列職七月詔加柱國大將軍時葛榮向京師衆號百萬相州刺史李神儁閉門自守榮率精騎七千馬皆有副倍道兼行東出滏口葛榮令其衆辦長繩至便縛取自鄴以北列陣數十里箕張而進榮潛軍出谷爲奇兵分督將已上三人爲一處處有數百騎令所在揚塵鼓譟使賊不測多少又以人馬逼戰刀不如棒密勒軍士馬上各齎袖棒一枚至戰時虜廢騰逐不聽斬級使以棒棒之而已乃分命壯勇所當衝突號令嚴明將士同奮身自陷陣出於賊後表裏合擊大破之於陣擒葛榮餘衆悉降恐其疑懼普令各從所樂親屬相隨羣情喜悅登卽四散數十萬衆一朝散盡待出百里之外始

分道押領隨便安置渠帥量才授用新附者咸安時人服其處分機速乃檻車送葛榮赴闕詔加大丞相都督河北畿外諸軍事又詔以冀州之長樂相州之南趙定州之博陵滄州之浮陽平州之遼西燕州之上谷幽州之漁陽七郡各萬戶通前滿十萬爲太原國邑又加位太師永安二年春元顥乘虛入洛車駕出居河北榮聞之馳傳朝於上黨之長子爲前驅奉莊帝幸河內令都督爾朱兆等率精騎夜濟河顥衆奔潰詔加天柱大將軍增封通前二十萬戶加前後部羽葆鼓吹榮屯晉陽遙制朝廷親戚腹心皆補要職朝廷動靜莫不以申先是葛榮黨韓婁據幽平二州榮遣都督侯深討斬之万俟醜奴蕭寶夤擁衆幽涇榮遣其從子天光爲雍州刺史令率都督賀拔岳侯莫陳悅

等入關討之天光至雍州以衆少未進榮大怒遣其騎兵
叅軍劉貴馳驛詣軍加天光杖罰天光等大懼乃進討連
破之擒醜奴寶夤並檻車送關天光又擒王慶雲万俟道
樂關中悉平三年八月榮將四五千騎發并州九月初至
京榮小女嫁與帝兄子陳留王伽邪嘗指之曰我終當得
此女婿力十五日天穆到京十八日上召中書舍人温子
昇問殺董卓事昇具道本末上曰王允若卽赦凉州人必
不應至此二十五日旦榮天穆同入誅之時年三十八天
穆與榮子菩提亦就戮節閔帝初贈假黃鉞相國錄尙書
都督中外諸軍事晉王加九錫給九旒鑾輅虎賁班劍三
百人輜輶車準晉太宰安平獻王故事謚曰武又詔百官
議榮配饗司直劉季明日晉王若配永安則不能終臣節

以此論之無所配乃配享孝文廟庭菩提位太常卿開府
儀同三司侍中特進死時年十四贈司徒謚惠菩提弟义
羅武衛將軍梁郡王尋卒贈司空义羅弟文殊封平昌郡
王孝靜初轉襲榮爵太原王卒于晉陽時年九歲文殊弟
文暢初封昌樂郡公以榮破葛榮勲進王拜開府儀同三
司肆州刺史齊神武將臨觀打蒺戲謀竊發坐死時年十
八弟文略襲义羅爵梁郡王聰明雋爽多所通習齊文襄
嘗令章永興馬上彈琵琶奏十餘曲試使文略寫之遂得
八文襄戲之曰聰明人多不老壽梁郡其慎之文略對曰
命之修短皆在明公文襄愴然曰此不足慮初神武遺令
恕十死平秦王有七百里馬文略敵以好婢賭取之殺馬
及婢以二銀器盛之遺平秦王後伏法文略嘗大遺魏收

金請爲父作佳傳收論榮比韋彭伊霍蓋由是也
爾朱兆字萬人榮從子少善騎射趨捷過人手格猛獸榮
特加賞愛榮曾送臺使見二鹿授兆二箭令取供今食篝
火以待之俄而兆獲其一榮欲誇使人杖兆五十榮入洛
兆兼前鋒都督孝莊封潁川郡公後從平邢杲又擊擒元
顥子冠受進破安豐王延明顯退走除車騎大將軍儀同
三司汾州刺史榮死兆自汾州據晉陽元亦授大將軍進
王兆輕兵倍道掩襲洛京策馬涉河是日暴風鼓怒黃塵
漲天遂有雲龍之役初榮旣死莊帝詔河西人紇豆陵步
蕃等令襲秀容兆入洛後步蕃兵勢甚盛南通晉陽兆不
暇留洛迴師禦之頻爲步蕃所敗謀出山東令人徵齊神
武於晉州神武赴之兆乃分三州六鎮之人令神武統領

山西通志

卷一百八十一

遺事

七

神武引兵南出避步蕃之銳步蕃至樂平郡神武與兆還
破之斬之節閔帝授兆使持節侍中都督中外諸軍事柱
國大將軍兼錄尚書事大行臺又以兆爲天柱大將軍兆
固辭不拜尋加都督十州諸軍事世襲并州刺史神武克
殷州兆與仲遠度律約拒之仲遠度律次陽平屯廣阿衆
號十萬神武廣縱反間乃各致猜疑兆輕騎三百來就仲
遠意色不平手舞馬鞭長嘯凝望深疑仲遠等有變遂趨
出馳還仲遠遣斛斯椿賀拔勝曉譬兆遂拘縛還經日放
遣仲遠等于是奔退神武進擊兆軍大敗世隆請節閔納
兆女爲后兆乃大喜與天光度律大會韓陵山戰敗復奔
晉陽其年神武自鄴進討之兆遂大掠并州走秀容神武
又追擊度赤洪嶺破之兆竄窮山殺所乘馬自縊於樹神

武收葬之榮嘗云兆不過將三千騎多則亂耳兆弟智彪封安定王與兆俱走神武擒之後死於晉陽

梁侯景字萬景魏懷朔鎮人少而不羈爲鎮功曹史後事爾朱榮甚見器重初學兵法於榮部將慕容超宗未幾超宗每詢問焉以軍功爲定州刺史始高歡微時與景友及誅爾朱氏景以衆降稍至吏部尙書非其好也每獨曰何當離此故紙耶尋封濮陽郡公使擁兵十萬專制河南景右足短弓馬非其長多智謀時高昂彭樂皆雄勇冠時景常輕之言似豕突爾勢何所至及將鎮河南請于歡曰今握兵在遠姦人易生詐僞大王若賜以書請異于他者許之每與景書別加微點雖子弟弗之知及世子澄矯書召之景知僞懼禍因用王偉計乃附梁後篡號誅

山西通志

卷一百八十一 遺事

三

隋劉武周河間景城人父匡徙家馬邑匡嘗與妻趙氏夜坐庭中忽見一物狀如雄雞流光燭地飛入趙氏懷振衣無所見因而有娠遂生武周驍勇善射交通豪俠至洛爲太僕楊義臣帳下大業末應募征高麗以軍功爲鷹揚府校尉太守王仁恭以其州里雄頗愛遇之令總虞候直閣下久之盜仁恭侍兒十三年乃宣言激怒饑民與同郡張萬歲等十餘人殺太守王仁恭突厥立爲定楊可汗又偕妻沮氏僭僞號上谷人宋金剛奔于武周封爲宋王以妹妻之遂南至滄州秦王進討破之武周棄并州北走與金剛奔突厥並爲所殺武周自初起至死凡六載

唐武士護字信世殖貨喜交結高祖嘗領屯汾晉休其家因被顧接後留守太原引爲行軍司鎧參軍募兵旣集以劉

弘基長孫順德統之王威高君雅欲劾繫之士護曰此皆唐公客若爾必有大嫌故威等疑不發會司兵叅軍田德平欲勸威劾募人狀士護脅謂曰討捕兵悉隸唐公威君雅無與徒寄坐耳何能爲德平亦止兵起士護不與謀以大將軍府鎧曹叅軍從平長安爲光祿大夫義原郡公累遷工部尚書進封應國公歷利荆二州都督卒贈禮部尚書謚曰定高宗永徽中以仲女爲后崇贈并州都督司徒周國公咸亨中加贈太尉兼太子太師太原郡王配享高祖廟廷列功臣上後僞上尊號建崇先府置官屬先天中詔削僞號仍爲太原王廟遂廢

武士稜字彥威士護兄少柔愿力田官司農少卿宣城縣公常主苑囿農家事卒贈潭州都督陪葬獻陵

山西通志

卷一百八十一 遺事

三

武士逸字述士護兄有戰功爲齊王府戶曹叅軍六安縣公從齊王守太原爲劉武周所執常遣間人陳破賊計賊平擢授益州行臺左丞數言當世得失上嘉納之終韶州刺史

武承嗣元爽子以勲擢尚輦奉御襲周國公遷秘書監禮部尚書俄以太常卿同中書門下三品未幾辭位垂拱初以春官尚書同鳳閣鸞臺平章事改納言又爲文昌左相議追王先世立宗廟追王元慶曰梁王謚憲元爽魏王謚德后從父士讓楚王謚僖士逸蜀王謚節又贈兄子承業陳王而承嗣爲魏王元慶子三思爲梁王士讓孫攸寧爲建昌王攸歸九江王攸望會稽王士逸孫懿宗河內王嗣宗臨川王 仁範河間王仁範子載德潁川王士稜孫攸

暨千乘王惟良子攸宜建安王攸績安平王從子攸止恒安王重規高平王承嗣子延基南陽王延秀淮陽王三思子崇訓高陽王崇烈新安王承業子延暉嗣陳王延祚咸安王承嗣實封千戶監修國史以特進罷未幾復同鳳閣鸞臺三品承嗣爲左相攸爲納言皆罷又與三思同三品不及月俱免復拜特進久之遷太子太保鞅鞅憤死贈太尉并州牧謚曰宣延基襲爵后嫌斥其名更曰繼魏王長安初自殺以延義代王中宗復位侍中敬暉等言諸武不當王與郡臣白奏事不兩大武家諸王宜免纔降封一級三思王德靜郡攸暨壽春懿宗爲耿國公攸寧江國攸望葉國嗣宗管國攸宜息國重規鄆國延義魏國攸緒巢國崇訓鄆國延祿咸安郡公直臣宋務光蘇安恒上書言武

山西通志

卷一百八十一

遺事

古

諸王饗封不厭人心載德終湖州刺史謚武烈攸歸歷司屬少卿至齊州刺史事母孝姊亡基不嘗五辛語輒流涕攸止絳州刺史三人死周時不及削封攸宜歷同州刺史萬歲通天初爲清邊道行軍大總管還拜左羽林大將軍景龍時遷右羽林率總禁兵前後十年嗣宗終司衛卿重規爲汴鄭二州刺史貶廬州刺史復爲天兵中道大總管還爲左金吾衛大將軍終衛尉卿延秀就婚突厥久不得歸神龍初還封栢國公左衛中郎將尚安樂公主以太常卿兼右衛將軍封恒國公後誅于肅章門攸望以太府卿貶死春州諸武屬坐延秀誅徙者略盡獨載德子平一以文章顯與攸緒常避盛滿故免攸寧天授中累擢納言踰年以左羽林衛大將軍罷俄還納言久乃罷爲冬官尚書

聖曆初同鳳閣鸞臺平章事自承嗣三思罷政事間一年
攸寧三思復當國以冬官尚書罷神龍初終岐州刺史贈
尚書右僕射三思當周時累進夏官春官尚書監修國史
爵王爲榆關道安撫大使屯邊還同鳳閣鸞臺三品踰月
去位又檢校內史罷爲太子少保遷賓客仍監國史子崇
訓尚主三思方輔政令具迎禮中宗復位擢崇訓駙馬都
尉太常卿兼左衛將軍三思進位司空同中書門下三品
加實戶五百固辭進開府儀同三司會降封裁減實戶俄
還所減而封崇訓鎬國公明年三思因主請復崇恩廟昊
順二陵皆置令丞後與崇訓爲節愍所誅舉哀廢朝五日
贈太尉復封梁王謚曰宣追封崇訓魯王謚曰忠睿宗初
夷其墓

武懿宗士逸孫以司農卿爵爲郡王歷懷洛二州刺史神
功元年爲神兵道大總管討孫萬榮後復撫循河北始萬
榮入寇也別帥何阿小殘忍以懿宗似之故號稱兩河神
龍初遷太子詹事終懷州刺史

武攸暨士稜孫自右衛中郎將尚太平公主拜駙馬都尉
累遷右衛大將軍天授中自千乘郡王進封定王實封戶
六百遷麟臺監司祀卿長安中降王壽春加特進中宗時
拜司徒復王定加戶千固辭進開府儀同三司降楚國公
攸暨於時無忤專自奉養景龍中卒贈太尉并州大都督
還定王謚曰忠簡後坐夷墓

高宗則天順聖皇后武氏并州文水人父士護太宗召爲
才人方十四賜號武媚後與嬪御皆爲比邱尼高宗引內

後宮進爲昭儀久之欲進號宸妃尋詔李勣于志寧奉璽
綬進爲皇后命羣臣及四夷酋長朝肅義門內外命婦入
謁朝后自此始后見宗廟再贈士護至司徒爵周國公謚
忠孝配食高祖廟母楊再封代國夫人家食魏千戶后更
爲太平文治事大集諸儒內禁殿譔定列女傳臣軌百寮
新誠樂書等大抵千餘篇始士護娶相里氏生子元慶元
爽又娶楊氏生三女伯嫁賀蘭越石蚤寡封韓國夫人仲
卽后季嫁郭孝順前死楊以后故寵日盛徙封榮國始兄
子惟良懷運與元慶等遇楊及后禮薄后銜不置及是元
慶爲宗正少卿元爽少府少監惟良司衛少卿懷運淄州
刺史它日夫人置酒酣謂惟良曰若等記疇日事乎今謂
何對曰幸以功臣子位朝廷晚緣戚屬進憂而不榮也夫

山西通志

卷一百八十一 遺事

六

人怒諷后僞爲退讓請惟良等外遷無示天下私繇是惟
良爲始州刺史元慶龍州元爽濠州俄坐事死振州元慶
至州憂死韓國女國妹韓國卒女封魏國夫人欲以備嬪
職會封泰山惟良懷運以岳牧來集從還而魏國暴卒歸
罪惟良等盡殺之氏曰嬖以韓國子敏之奉士護祀俄貶
死楊氏徙鄴衛二國咸亨元年卒追封魯國謚忠烈詔文
武九品以上及五等親與外命婦赴弔以王禮葬咸陽給
班劍葆仗鼓吹俄又贈士護太尉兼太子太師太原郡王
魯國忠烈夫人爲妃上元元年進號天后建言十二事一
勸農桑薄賦徭二給復三輔地三息兵以道德化天下四
南北中尚禁浮巧五省工費力役六廣言路七杜讒口八
王公以降皆習老子九父在爲母服齊衰三年十上元前

勲官已給告身者無追覈十一京官八品以上益廩入十二百官任事久材高位下者得進階申滯皆下詔略施行之儀鳳三年羣臣蕃夷長朝於光順門卽并州建太原郡王廟中宗初天后稱皇太后參決軍國大務嗣聖元年臨朝以睿宗嗣后坐武成殿上號冊越三日臨軒命禮部尚書攝太尉武承嗣太常卿攝司空王德真冊睿宗自是常御紫宸殿施慘紫帳臨朝追贈五世祖後魏散騎常侍克己爲魯國公妣裴卽其國爲夫人高祖齊殷州司馬居常爲太尉北平郡王妣劉爲王妃曾祖永昌王諮議參軍贈齊州刺史儉爲太尉金城郡王妣宋爲王妃祖隋東郡丞贈并州刺史大都督華爲太尉太原郡王妣趙爲王妃皆置園邑戶五十考爲太師魏王加實戶滿五十妣爲王妃立

山西通志

卷一百八十一 遺事

七

園邑守戶百又謚魯國公曰靖裴爲靖夫人北平郡王曰恭肅金城郡王曰義康太原郡王曰安成妃從夫謚遺冊武成殿使者告五世廟室武承嗣請立七廟中書令裴炎沮止及徐敬業敗并辟炎暨左衛大將軍程務挺詔爲明堂又度明堂後爲天堂鴻麗巖奧次之始作崇先廟于西京享武氏后自號聖母神皇作神皇璽拜洛受圖大陳珍禽奇獸貢物鹵簿壇下禮成去永昌元年享萬象神宮改服袞冕搢大圭執鎮圭合祭天地五方地百神從以高祖太宗高宗配引魏王士護從配僞尊號士護周忠孝楊忠孝胥加太字以文水墓爲章德陵咸陽墓爲明義陵太原安成王爲周安成王金城郡王爲魏義康王北平郡王爲趙肅恭王魯國公爲太原靖王載初中又享萬象神宮以